

ՀԱՆՐԱԳՈՒՄԱՐՈՒՄ

ՎԱՐՉԱՊԵՏԻ ՊԱՇՏՈՆՈՒՄ ԻՐԱԿԻ ԴԱՐԻՔԱՇՎԻԼՈՒ ՄԵԿԱՄՅԱ ԳՈՐԾՈՒՆԵՈՒԹՅԱՆ ԱՐԴՅՈՒՆՔՆԵՐԸ



Երբ անցյալ տարվա մարտին Իրակի Ղարիբաշվիլին ստանձնեց վարչապետի պաշտոնը, երկրում տարբեր ուղղություններում ճգնաժամային իրավիճակ էր:

Մասնավորապես, հաստատվել էր քաղաքական սուր ճգնաժամ: Ընտրություններում ընտրաշենքը հաղթահարած կուսակցությունների մեծ մասը հրաժարվում էր մտնել խորհրդարան: Եկոնոմիկայի ոլորտում շարունակվում էր լարիի արժեզրկումը, դոլարի համարժեքը հասել էր 3,8-ի, գործարար շրջանները կորցրել էին կայունության զգացումն ու հեռանկարների մշակման միտվածությունը: 2020 թվականին կառավարության պարտքը ավելացավ 7 մի-

(Շարունակությունը՝ 2-րդ էջում)

ՖԻՆԱՆՍՆԵՐ

ԼԱՇԱ ԽՈՒՅԻՇՎԻԼԻ. «ՅՈՒՐԱՔԱՆՉՅՈՒՐ ՇՆՉԻ ԲԱԺԻՆԸ ՀԱՄԱԽԱՌՆ ՆԵՐՔԻՆ ԱՐՏԱԴՐԱՆՔԻ ՀԱՇՎՈՎ ՀԱՍՑՎԵՑ ԱՆՆԱԽԱԴԵՊ 5000 ԱՄՆ ԴՈԼԱՐԻ»



Ինչպես արդեն հաղորդել ենք, փետրվարի 17-ին, Վրաստանի խորհրդարանում «Նախարարի ժամ» ձեռնադրվել է Լաշա Խուցիշվիլին: 2021 թվականի ֆինանսական տարվա արդյունքների համրագումարումից հետո, նախարարը պատասխանեց պատգամավորների հարցերին:

Ստորև ներկայացնում ենք հարցուպատասխանի կարգով ֆինանսների նախարարի՝ խորհրդարանում ելույթի այն գլխավոր հատվածները, որոնք առանձնակի հետաքրքրություն են առաջացնում թերթի ընթերցողների շրջանում:

2021 ԹՎԱԿԱՆԻ ԻՐԱԿԱՆ ՏՆՏԵՍԱԿԱՆ ԱՃԸ ԿԱԶՄԵԼ Է 10,6 ՏՈՎՈՍ

Փետրվարի 17-ին, «Նախարարի ժամ» ձեռնադրվել է Վրաստանի խորհրդարանում, իր ելույթի ժամանակ, երկրի ֆինանսների նախարար Լաշա Խուցիշվիլին հայտարարեց, որ 2021 թվականին իրական տնտեսական աճը կազմել է 10,6 տոկոս, ինչը 2,5 անգամ գերազանցում է կանխագծած ցուցանիշը: Նրա խոսքով, 2019 թվականի համեմատ, տնտեսական աճի ցուցանիշը

ավելացել է 3,1 տոկոսով: «Տնտեսական բարձր աճի արդյունքում զգալի ավելացել է ներքին համախառն արտադրանքի ցուցանիշը եւ կանխագծած 53,4 միլիարդ լարիի փոխարեն, կազմել է 59,6 միլիարդ լարի: 2020 թվականի համեմատ՝ այդ ցուցանիշը ավելացել է շուրջ 10 միլիարդ լարիով: Այդ ամենի արդյունքում, 2021 թվականին, համախառն ներքին արտադրանքի հաշվով, յուրաքանչյուր շնչի բաժինը հասցվեց 5 հազար

(Շարունակությունը՝ 3-րդ էջում)

ՈՒԿՐԱԻՆԱ - ՌՈՒՍԱՍՏԱՆ ԴԻՍԿԱՅՈՒԹՅՈՒՆ

ՎՐԱՍՏԱՆԸ ԴԱՏԱԴԱՐՏՈՒՄ Է ՌՈՒՍԱՍՏԱՆԻ ԿՈՂՄԻՅ ԴՈՆԵՅԿԻ ԵՎ ԼՈՒԳԱՆՍԿԻ «ԱՆԿԱՆՈՒԹՅԱՆ» ՃԱՆԱՉՈՒՄՆ ՈՒ ՌՈՒԿՐԱԻՆԱՅԻ ԴԵՄ ՌԱԶՄԱԿԱՆ ԳՈՐԾՈՂՈՒԹՅՈՒՆՆԵՐԻ ՍԱՆՁԱԶԵՐԾՈՒՄԸ

Փետրվարի 21-ին, Ռուսաստանի Դաշնության նախագահ Վլադիմիր Պուտինը ստորագրեց Լուգանսկի եւ Դոնեցկի անկախությունը ճանաչելու մասին հրամանագրերը, ինչպես նաեւ Դոնեցկի եւ Լուգանսկի ղեկավարների հետ ստորագրեց բարեկամության եւ փոխադարձ օգնության մասին համաձայնագրերը:

Իսկ երեք օր անց, փետրվարի 24-ի լուսաբացին, ռուսական զորքերը մտան Ուկրաինայի տարածք, ծավալելով ռազմական գործողություններ Ուկրաինայի զինված ուժերի դեմ: Ուկրաինական լրատվամիջոցների տվյալներով, արդեն փետրվարի 25-ին ռուսա-

ՍԱԼՈՍԵ ԶՈՒՐԱՔԻՇՎԻԼԻ. «ՎՐԱՍՏԱՆԸ ՌԻԱԿՆԱՅԻ ԿՈՂՔԻՆ Է»



Վրաստանի նախագահ Սալոմե Զուրաբիշվիլին հայտարարեց, որ Ուկրաինայում Ռուսաստանի գործողություններն այն սցենարի կրկնությունն են, որոնք համագեցրին մեր տարածքի 20 տոկոսի օկուպացմանը:

- Վրաստանի նախագահը Ձեռնակու կողքին է եւ աջակցում է Ուկրաինայի տարածքային ամբողջականությանն ու խաղաղությանը,- նշեց Սալոմե Զուրաբիշվիլին:

ԻՐԱԿԻ ԴԱՐԻՔԱՇՎԻԼԻ. «ՄԵՆՔ ՎՃՌԱԿԱՆՈՐԵՆ ՊԱՇՏՊԱՆՈՒՄ ԵՆՔ ՌԻԱԿՆԱՅԻ ԻՆՔՆԵՆՏԻԱՆՈՒԹՅՈՒՆԸ»

- Մենք վճռականորեն պաշտպանում ենք Ուկրա-



ինայի ինքնիշխանությունն ու տարածքային ամբողջականությունը եւ խստորեն դատապարտում Ուկրաինայի դեմ Ռուսաստանի սանձազերծած պատերազմը,- հայտարարեց Վրաստանի վարչապետ Իրակլի Գարիբաշվիլին: Անդրադառնալով Ռուսաստանի դեմ պատժամիջոցների սահմանման հարցին՝ վարչապետը նշեց.

- Ցանկանում եմ հստակորեն եւ միանշանակ նշել, որ Վրաստանը, ելնելով երկրի եւ բնակչության շահերից, մտադիր չէ միանալ Ռուսաստանի դեմ սահմանվող ֆինանսական եւ տնտեսական պատժամիջոցներին, որոնք միայն վնաս կբերեն երկրին ու բնակչությանը,- հայտարարեց Իրակլի Գարիբաշվիլին:

կան զորքերը գրավելով Սումի, Չեռնիգով եւ Խերսոն քաղաքները եւ ընդհուպ մոտեցան երկրի մայրաքաղաք Կիևին, ինչպես նաեւ Նիկոլաև, Մարիուպոլ քաղաքներին:

Ռուսաստանի կողմից Դոնեցկի եւ Լուգանսկի «անկախությունների» ճանաչումը եւ Ուկրաինայի դեմ պատերազմը խստորեն դատապարտվեց Վրաստանի բարձրագույն իշխանության կողմից:

Ստորև ձեռ ուշադրությանն ենք ներկայացնում երկրի ղեկավարների հայտարարությունները.

ՇԱԼՎԱ ՊԱՊՈՒԱՇՎԻԼԻ. «ՑԱՎՈՔ, ՊԱՏԵՐԱԶՄԻՑ ԽՈՒՍԱԾԵԼ ԶՀԱՋՈՂՎԵՑ»



Վրաստանի խորհրդարանի նախագահ Շալվա Պապուաշվիլին, անդրադառնալով Ռուսաստանի կողմից Ուկրաինայում ռազմական գործողությունների սանձազերծմանը, նշեց.

- Ցավոք, Ուկրաինային չհաջողվեց խուսափել պատերազմից: Մենք եւս մեկ անգամ կոչ ենք անում միջազգային հանրությանը՝ արդյունավետ եւ հաստատուն քայլեր ձեռնարկել Ռուսաստանի կողմից հակամարտության սրումը կասեցնելու եւ միջազգային նորմերին համապատասխանությունն ապահովելու համար: Դժվար պահին մենք Ուկրաինայի կողքին ենք,- նշեց Շալվա Պապուաշվիլին:

(Խորագրի շարունակությունը՝ 2-րդ էջում)

ՀԱՆՐԱՊԵՏԱՐՈՒՄ

ՎԱՐՉԱՊԵՏԻ ՊԱՇՏՈՆՈՒՄ ԻՐԱԿԻ ՂԱՐԻԲԱՇՎԻՆՈՒ ՄԵԿԱՄՅԱ ԳՈՐԾՈՒՆԵՈՒԹՅԱՆ ԱՐԴՅՈՒՆՔՆԵՐԸ

(Սկիզբը՝ 1-ին էջում)

լիարդ լարիով, որից 5 միլիարդ 200 միլիոն լարին արտաքին պարտքն էր: Կորոնավիրուսի համավարակի պայմաններում առողջապահության ոլորտի կարելուորագույն հիմնախնդիրը պատվաստանյութի բացակայությունն էր:

Վարչապետի պաշտոնը ստանձնելու օրվանից՝ Իրակլի Ղարիբաշվիլին նշանակալի միջոցառումներ անցկացրեց կարգուկանոնի հաստատման, ընդունած օրենքների կիրարկման ուղղությամբ: Ամերիկյան եւ արեւմտյան գործընկերների միջնորդությամբ, կարգավորվեց քաղաքական ճգնաժամը, արդյունքում ընդդիմադիր պատգամավորները ներգրավվեցին խորհրդարանական գործունեությանը: Վարչապետի պաշտոնում աշխատանքի հինգ ամսվա ընթացքում, Իրակլի Ղարիբաշվիլու որոշմամբ, աստիճանաբար վերացվեցին տնտեսական գործունեության սահմանափակումները, արդյունքում՝ 2021 թվականին տնտեսական աճը կազմեց 10,6 տոկոս: Տնտեսության վերականգնումն իր ազդեցությունը գործեց նաեւ ազգային տարադրամի վրա, եւ այսօր այն նշանակալիորեն ամրապնդվել է եւ դոլարի նկատմամբ լարիի համարժեքը հասել է 3-ի: Վարչապետն անձամբ ներգրավվեց կորոնավիրուսի դեմ պատվաստման գործընթացին, բանակցություններ վարեց պատվաստանյութ արտադրող ընկերությունների ղեկավարների հետ, ապահովեց բավարար քանակությամբ պատվաստանյութի ներկրումը:

Վարչապետի պաշտոնում աշխատելու մեկ տարվա ժամանակահատվածը համընկավ տեղական ընտրություններին: Իրակլի Ղարիբաշվիլին անձամբ մասնակցեց ընտրական քարոզարշավին, կարճ ժամանակահատվածում եղավ 63 մունիցիպալիտետներում, հանդիպում ունեցավ տեղի բնակիչների հետ:

Նշանակալի փոփոխություններ կատարվեցին սոցիալական քաղաքականության ուղղությամբ: Մասնավորապես,

րապես, վարչապետի նախաձեռնությամբ՝ 10 տոկոսով ավելացավ հանրային աշխատակիցների աշխատավարձը: Ավելացան կենսաթոշակները, վետերանների օգնությունը, կրկնապատկվեց սոցիալապես անապահով ընտանիքների բազմազավակ ընտանիքների, սահմանափակ հնարավորություն ունեցող անձանց պետական նպաստը: Նպատակային խմբերի շուրջ 1 միլիոն մարդու համար մարեցին էլեկտրաէներգիայի ծախսերը: Լայն թափ հաղորդվեց փախստականների աջակցությանը եւ, հաշվետու ժամանակահատվածում, մոտ 3300 փախստական ընտանիք ապահովվեց բնակարանով: Թբիլիսիում եւ Գորիում շուրջ 500 զինծառայող ապահովվեց բնակարանով: Ընթացքի մեջ է նոր զինվորական ավանի շինարարությունը, որտեղ կառուցվող 39 մասնաշենքում բնակարանով կապահովվի 1090 զինծառայողի ընտանիք:

Իրակլի Ղարիբաշվիլու միջնորդությամբ տարածաշրջանային քաղաքականության ոլորտում Հայաստանի եւ Ադրբեջանի կառավարությունների միջեւ ձեռք բերվեց պայմանավորվածություն, ըստ որի՝ ադրբեջանական կողմը հայկական կողմին հանձնեց պատերազմի ժամանակ գերված 15 քաղաքացիների, փոխարենը՝ Ադրբեջանին տրվեցին ականապատված տարածքների քարտեզները:

Արտաքին քաղաքականության բնագավառում է՛լ ավելի խորացան Վրաստանի ռազմավարական գործընկեր՝ ԱՄՆ-ի, Եվրամիության երկրների հետ կապերը: Հաշվետու ժամանակահատվածում Իրակլի Ղարիբաշվիլին մասնակցել է բարձր մակարդակի մի շարք գագաթաժողովների, միջազգային հանդիպումների:

Ամնիջականորեն վարչապետի նախաձեռնությամբ՝ փոփոխություններ կատարվեցին ազարտային խաղերի կանոնակարգում, բացվեց թուրքական դեղագործական շուկան: Մարտի 1-ից ուժի մեջ է մտնում, Իրակլի Ղարիբաշվիլու նախաձեռնած, սոցիալապես անապահով աշխատունակ քաղաքացիների զբաղվածության նախագիծը, որի շրջանակներում շուրջ 200 հազար մարդ կստա-

նա աշխատանք: Գործարկվել է հիպոթեկային վարկերի սուբսիդավորման ծրագիր, որից կարող են օգտվել բազմազավակ ընտանիքները, ինչպես նաեւ՝ նորածին երեխա ունեցողները:

Գործարկման փուլում է «Նորացված տարածաշրջաններ» նախագիծը, որը իրականացվում է երկրի 63 մունիցիպալիտետներում: Նախագծի առաջին փուլի իրականացման համար՝ ծրագրվում է ներդնել 500 միլիոն լարի:

Հաշվետու ժամանակահատվածի հետ համընկավ նաեւ Վրաստանի օլիմպիական շարժման պատմության մեջ առաջին վրաց օլիմպիականների բացառիկ հաջողությունը: Վարչապետի նախաձեռնությամբ՝ օլիմպիական չեմպիոնին՝ որպես պարգևավճար տրվեց 1 միլիոն լարի: Պետական բյուջեից 500 հազար լարիով պարգևատրվեցին արծաթե, 250 հազար լարիով՝ բրոնզե մեդալակիրները:

Նշանակալի իրադարձությունների թվին կարելի է դասել՝ 300-ամյա ընդմիջումից հետո, Հորդանանի ափի սուրբ հողի վրա 4 հազար քառակուսի մետր որպես Վրաստանի սեփականության հաստատումը:

Ընդհանուր առմամբ, այսպիսին են Իրակլի Ղարիբաշվիլու վարչապետի պաշտոնում մեկամյա գործունեության արդյունքները: Երկրի համար բարի գործեր կատարելը Իրակլի Ղարիբաշվիլու համար գլխավոր առաջնահերթությունն է:

*Նինո Գորգոթիանի
Վրաստանի կառավարության վարչակազմի
ռազմավարական հաղորդակցության ղեկարտամենտի պետ*



ՎՐԱՍՏԱՆ - ՀԱՅԱՍՏԱՆ

ՎՐԱՍՏԱՆԻ ԽՈՐՀՐԴԱՐԱՆԱԿԱՆ ՊԱՏՎԻՐԱԿՈՒԹՅՈՒՆԸ ԵՐԵՎԱՆՈՒՄ

(Սկիզբը՝ 1-ին էջում)

թյամբ: Պատվիրակության կազմում էին Վրաստանի խորհրդարանի պատգամավորներ Լեւան Կարումիձեն, Խատիա Ծիլոսանին եւ Մարիամ Լաշխին:

Արեւելյան գործընկերության երկրների պատգամավորները նիստին ներկայացրեցին իրենց երկրներում ընթացիկ քաղաքական գործընթացների վերաբերյալ տեղեկություններ: Զեմարկվեցին նաեւ Եվրոպական միությունում եւ Արեւելյան գործընկերության տարածաշրջանում անվտանգային ու քաղաքական իրավիճակին վերաբերող հարցեր:

Փետրվարի 22-ին, Երեւանի Կարեն Դեմիրճյանի անվան մարզահամերգային համալիրում, անցկացվեցին «Եվրամենս» խորհրդարանական վեժաժողովի քաղաքական հարցերի, մարդու իրավունքների եւ ժողովրդավարության հարցերի, էներգետիկ անվտանգության հարցերի, տնտե-

սական ինտեգրման, իրավական մոտարկման եւ ԵՄ քաղաքականությունների հետ համապատասխանեցման հարցերի, սոցիալական հարցերի, կրթության, մշակույթի եւ քաղաքացիական հասարակության հարցերի հանձնաժողովների նիստերը:

Հանձնաժողովների նիստերի ընթացքում քննարկված բանաձեւերի նախագծերը կհաստատվեն «Եվրամենս» խորհրդարանական վեժաժողովի տասներորդ լիազումար նիստում:

ՎՐԱՅ ՊԱՏՎԱՄԱՎՈՐՆԵՐԻ ՀԱՆԴԻՊՈՒՄՆԵՐԸ ՎԵՀԱԺՈՂՈՎԻ ՇՐՋԱՆԱԿՆԵՐՈՒՄ

(Սկիզբը՝ 1-ին էջում)

գության մարտահրավերներին:

Հանդիպումներին քննարկվեցին նաեւ Հարավ-Կովկասյան տարածաշրջանում ընթացող գործընթացները եւ ընդգծվեց տարածաշրջանում խաղաղության եւ կայունության ապահովման անհրաժեշտությունը:

Մակա Բոճորիշվիլին պատրաստականություն հայտնեց ակտիվ աշխատել տարբեր ուղղություններով Հայաստանի հետ հա-

մագործակցության խորացման համար, ընդգծելով երկարաժամկետ կայունության կարելուորությունը:

Այցի շրջանակներում՝ Վրաստանի խորհրդարանի մշտական պատվիրակության անդամ Լեւան Զարումիձեն հանդիպեց Հայաստանի Ազգային ժողովի նախագահի պաշտոնակատար Հակոբ Հակոբյանի հետ:

Հանդիպման թեման եղել է նաեւ Արեւելյան գործընկերության ապագան:

ՈՒԿՐԱԻՆԱ - ՌՈՒՍԱՍՏԱՆ ԴԻՍԱԿԱՅՈՒԹՅՈՒՆ

ՌԱԶՄԱԿԱՆ ԳՈՐԾՈՂՈՒԹՅՈՒՆՆԵՐ ՈՒԿՐԱԻՆԱՅՈՒՄ. ԱՐՁԱԳԱՆՔՆԵՐ ԵՎ ՊԱՏԺԱՄԻՋՈՑՆԵՐ

ՎԱՐԴԻՄԻՐ ԶԵԼԵՆՍԿԻ. «ՄԵՆՔ ՄԻԱՅՆԱԿ ԵՆՔ ՊԱՇՏՊԱՆԵԼՈՒ ՄԵՐ ԵՐԿԻՐԸ»

Փետրվարի 25-ին, Ուկրաինայի նախագահ Վլադիմիր Զելենսկին հանդես եկավ ուկրաինացիներին ուղղված ուղերձով: Նա հայտարարեց, որ Ռուսաստանը արդեն երկրորդ օրն է՝ ռմբակոծում է Ուկրաինայի քաղաքները: Նրա խոսքով, Ռուսաստանը չի կողմնորոշվում, ինչ ուղղություններով գործել, ինչի հետեւանքով թիրախում են հայտնվում ոչ միայն ռազմական օբյեկտներ, այլ նաեւ բնակելի տներ: Վլադիմիր Զելենսկու հավաստմամբ, Ուկրաինայի բոլոր պաշտպանները թույլ չեն տվել իրականացնել առաջին օրը ներխուժելու օպերատիվ պլանը եւ, որ ուղղությունների մեծ մասում հնարավոր է եղել կանգնեցնել հակառակորդին, եւ ընթացում են մարտեր:

Վլադիմիր Զելենսկին բոլոր ուկրաինացիներին կոչ արեց մոբիլիզացվել ու օգնել միմյանց եւ ուկրաինական բանակին:

Ուկրաինայի նախագահը հավելեց, որ Ռուսաստանն ամեն դեպքում ստիպված է լինելու խոսել իրենց հետ, թե ինչպես դադարեցնի ռազմական գործողությունները եւ վերջ տալ ներխուժմանը: «Որքան արագ խոսակցությունը սկսվի, այնքան քիչ կորուստներ կունենա Ռուսաստանը», - ասաց Վլադիմիր Զելենսկին:

ՈՒԿՐԱԻՆԱՆ ԽՁԵՑ ՌՈՒՍԱՍՏԱՆԻ ՀԵՏ ԴԻՎԱՆԱԳԻՏԱԿԱՆ ՀԱՐԱՔԵՐՈՒԹՅՈՒՆՆԵՐԸ

Փետրվարի 24-ին Ուկրաինան խզեց դիվանագիտական հարաբերությունները Ռուսաստանի հետ: Այդ մասին

հայտարարեց երկրի նախագահ Վլադիմիր Զելենսկին: Ուկրաինայի նախագահը դիմել է բնակչությանը եւ նրանց տեղեկացրել երկրում տիրող իրավիճակի մասին: Վ.Զելենսկու հրամանագրով երկրի ողջ տարածքում հայտարարվել է պատերազմական դրություն: Ուկրաինայի Գերագույն Ռադան արդեն հաստատել է այդ հրամանագիրը:

ՅՈՒՐԵՅԵՆ. «ՄԵՆՔ ՊԱՏԺԱՄԻՋՈՑՆԵՐ ՍԱՀՄԱՆԵՑԻՆՔ ՌՈՒՍԱՍՏԱՆԻ ԴԵՄ, ՍԱԿԱՅՆ ԱՄՆ ՁՈՐՔԵՐԸ ԶԵՆ ՆԵՐԿՐԱԿՈՒՄ ԿՈՆՖԼԻԿՏՈՒՄ»

- Ռուսաստանի կողմից անջատողական տարածաշրջանների ճանաչումը հանգեցրեց՝ Ուկրաինա Ռուսաստանի ներխուժմանը,- հայտարարեց ԱՄՆ նախագահ Ջո Բայդենը՝ հավելելով, որ Պուտինի այս քայլը միջազգային մորմերի կոպիտ խախտում է: ԱՄՆ-ը պատժամիջոցներ է սահմանում Ռուսաստանի դեմ, որոնք լուրջ հետեւանքներ կունենան ռուսական տնտեսության համար:

Միաժամանակ, ԱՄՆ նախագահը նշեց, որ ԱՄՆ-ի գործերը ներգրավված չեն եւ չեն ներգրավվի Ուկրաինայում Ռուսաստանի հետ կոնֆլիկտի մեջ:

- Չմայած մենք Ուկրաինային պաշտպանության ուղրտում շուրջ 650 միլիոն դոլարի աջակցություն ենք տրամադրել անցած տարի, սակայն, կրկնում են, մեր զինված ուժերը ներգրավված չեն եւ չեն ներգրավվելու Ուկրաինայում Ռուսաստանի հետ կոնֆլիկտում: Մեր ուժերը Եվրոպա են ուղարկվում ոչ թե Ուկրաինայում կռվելու, այլ ՆԱՏՕ-ի մեր դաշնակիցներին պաշտպանե-

լու համար: Ինչպես եւ հստակ հասկացրել են, ԱՄՆ-ը կպաշտպանի ՆԱՏՕ-ի տարածքի յուրաքանչյուր ոյույնը՝ ամերիկյան հզորության ամբողջ ուժով,- հայտարարեց Ջո Բայդենը:

ԵՎՐԱՄԻՈՒԹՅԱՆ ՊԱՏԺԱՄԻՋՈՑՆԵՐԸ ՌՈՒՍԱՍՏԱՆԻ ՊԵՏԱԿՈՒՄՅՈՒՆԻ 351 ՊԱՏՎԱՄԱՎՈՐԻ ՆԿԱՄԱՄԲ

Եվրամիությունը պատժամիջոցներ է սահմանել Ռուսաստանի Դումայի 351 պատգամավորի նկատմամբ, ովքեր սատարել են այսպես կոչված Դոնբասի եւ Լուգանսկի «անկախության» ճանաչմանը:

Պատժամիջոցներ կկիրառվեն նաեւ Ռուսաստանի 27 ֆիզիկական եւ իրավաբանական անձանց, ինչպես նաեւ բանկերի, պաշտպանության ոլորտի նկատմամբ եւ կսահմանափակեն Ռուսաստանի մուտքը եվրոպական ֆինանսական շուկաներ:

Բացի այդ, Եվրամիությունը հայտարարեց Ռուսաստանի դեմ պատժամիջոցների մասին ֆինանսական, էներգետիկ, տրանսպորտի, ինչպես նաեւ վիզաների ոլորտի նկատմամբ:

ԳԵՐՄԱՆԻԱՆ ԿԱՍԵՑՐԵՑ «ՀՅՈՒՄԻՍԱՅԻՆ ՀՈՍՔ-2»-Ի ՀԱՎԱՍՏԱԳՐՄԱՆ ԳՈՐԾԸՆԹԱՑԸ

Գերմանիայի կանցլեր Օլաֆ Շոլցը, ի պատասխան Դոնեցկի եւ Լուգանսկի «անկախության» ճանաչման մասին ՌԴ նախագահ Վ.Պուտինի որոշման, հայտարարեց, որ դադարեցրել է «Հյուսիսային հոսք-2»-ի հավաստագրման գործընթացը:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՏԱՐԵԼԻՑ

ՀԱՐՈՍՆԵՐԻ ՏՈՒՐԸ՝ 1921 ԹՎԱԿԱՆԻ ՓԵՏՐՎԱՐԻ 21-ԻՆ
ՀԱՅՐԵՆԻՔԻ ԱՆԿԱՆՈՒԹՅԱՆ ՀԱՄԱՐ ՉՈՀՎԱԾ
ՅՈՒՆԿԵՐՆԵՐԻՆ

... ՉՈՐՍ ՕՐ ԱՆՑ, ՓԵՏՐՎԱՐԻ 25-ԻՆ, ՌՈՒՄԱԿԱՆ ԿԱՐՄԻՐ
ԲԱՆԱԿԸ ՄՏԱԿ ԹԲԻԼԻՍԻ ԵՎ ՏԱՊԱԼԵՑ ՎՐԱՍՏԱՆԻ ԱՌԱՋԻՆ
ԺՈՂՈՎՐԱՎԱՐԱԿԱՆ ՀԱՆՐԱՊԵՏՈՒԹՅՈՒՆԸ

Փետրվարի 23-ին, Վրաստանի նախագահ Իրակլի Դարիբաշվիլին, նախագահ Սալոմե Ջուրաբիշվիլին, խորհրդարանի նախագահ Շալվա Պապուաշվիլին, երկրի կառավարության անդամների ու խորհրդարանի պատգամավորների ուղեկցությամբ, խորհրդարանի բակում կանգնեցված հուշակոթողի մոտ, հարգանքի տուրք մատուցեց՝ Վրաստանի անկախության համար 1921 թվականի փետրվարին զոհված յուրակերների հիշատակին:

- Յուրակերների զոհաբերությունը՝ հանուն ազատության եւ անկախության, մնացել է մեր հիշողության մեջ, նրանց հերոսության օրինակը ուղեկցում է մեր սերունդների համար,- ասաց Իրակլի Դարիբաշվիլին՝ հավելելով, որ նրանց գաղափարները եղել են միասնական, ուժեղ ու ազատ Վրաստանի շուրջ եւ մենք պետք է շարունակենք ձգտել այդ գաղափարներին:

Իսկ փետրվարի 25-ին, Վրաստանի խորհրդարանի 1992 թվականի որոշմամբ հայտարարված



խորհրդային օկուպացիայի օրը դրոշներն իջեցվեցին վարչական շենքերից եւ արտերկրում Վրաստանի դիվանագիտական ներկայացուցչություններից:

ՀԱՄԱԳՈՐԾԱԿՑՈՒԹՅՈՒՆ

ՄՏՈՐԱԳՐՎԵՅ ՄԻՋԽՈՐՀՐԱՐԱՆԱԿԱՆ
ՀԱՄԱԳՈՐԾԱԿՑՈՒԹՅԱՆ ՓԱՍՏԱԹՈՒՂԸ

Փետրվարի 21-ին, պաշտոնական այցով, Թբիլիսիում էր գտնվում Թուրքիայի Ազգային մեծ ժողովի նախագահ Մուստաֆա Շենթոփը:

Այցի շրջանակներում՝ նա հանդիպում ունեցավ Վրաստանի վաչապետ Իրակլի Դարիբաշվիլու հետ, մասնակցեց Վրաստանի եւ Թուրքիայի խորհրդարանների պատվիրակությունների ընդլայնված կազմով բանակցություններին, Վրաստանի խորհրդարանի նախագահ Շալվա Պապուաշվիլու հետ ստորագրեց միջխորհրդարանական համագործակցության փաստաթուղթը:

Վրաստանի վարչապետի եւ Թուրքիայի Ազգային մեծ ժողովի նախագահի հանդիպմանը քննարկվել է Վրաստանի եւ Թուրքիայի ռազմավարական գործընկերությունը, որը գտնվում է ամենաբարձր մակարդակի վրա:



Հանդիպմանը քննարկվել են նաեւ տարածաշրջանային համագործակցության հարցեր:

Փետրվարի 21-ին, Վրաստանի խորհրդարանի նախագահ Շալվա Պապուաշվիլին եւ Թուրքիայի Ազգային մեծ ժողովի նախագահ Մուստաֆա Շենթոփը ստորագրեցին երկու երկրների խորհրդարանների միջեւ համագործակցության նորացված փաստաթուղթ:

ՏԱՐԱԾԱՆԵՐԱՆ

ԱՆԱԼՔԱԼԱՔԻ. ՀՍՏԱԿԵՑՎԵՑԻՆ «ԳՅՈՒՂԻՆ
ԱՋԱԿՑՈՒԹՅՈՒՆ» ԾՐԱԳՐՈՎ ՖԻՆԱՆՍԱՎՈՐՎՈՐ
ՆԱԽԱԳԾԵՐԸ



բյան նպատակով, անցկացրեց աշխատանքային հանդիպում, որին մասնակցեցին քաղաքապետարանի վարչական միավորներում քաղաքապետի ներկայացուցիչներն ու սակրեբուլոյի պատգամավորները:

Ախալքալաքի մունիցիպալիտետի քաղաքապետ Մելքոն Մակարյանը, փոխքաղաքապետ Թեմուր Մճեղիձեի հետ, «Գյուլին աջակցություն» ծրագրի շրջանակներում ֆինանսավորվող նախագծերի ընտրության մասին քննարկեցին քաղաքապետարանի վարչական միավորներում քաղաքապետի ներկայացուցիչներն ու սակրեբուլոյի պատգամավորները:

Հանդիպումն անցկացվել է Ախալքալաքի քաղաքապետարանի գյուղերում՝ «Գյուլին աջակցություն» ծրագրով ֆինանսավորվող ծրագրերի ընտրության նպատակով:

Նշվեց, որ ծրագրերի համաֆինանսավորումը կտրամադրվի Վրաստանի կառավարության կողմից եւ անհրաժեշտության դեպքում կհամալրվի մունիցիպալային բյուջեով:

ՄԱՐՆԵՆՈՒԼԻ. ՀԱՆԴԻՊՈՒՄՆԵՐ «ԳՅՈՒՂԻՆ
ԱՋԱԿՑՈՒԹՅՈՒՆ» ԾՐԱԳՐԻ ՇՐՋԱՆԱԿՆԵՐՈՒՄ

Մառնեուլիի մունիցիպալիտետի գյուղերում հանդիպումներ են անցկացվում «Գյուլին աջակցություն» ծրագրի շրջանակներում: Փետրվարի 23-ի դրությամբ՝ նման հանդիպումներ են անցկացվել մունիցիպալիտետի 11 վարչական միավորների 55 գյուղերում: Հիշեցնենք, որ վերոնշյալ ծրագրի շրջանակներում Մառնեուլիի մունիցիպալիտետին հատկացվում է 1232000 լարի: Այդ գումարով ֆինանսավորվելու են ենթակառուցային տարբեր նախագծեր:

«Գյուլին աջակցություն» ծրագրի շրջանակներում

խորհրդատվությունների անցկացման համար, մունիցիպալիտետի քաղաքապետի հանձնարարությամբ ստեղծվել է երեք աշխատանքային խումբ:

ՆԻՆՈՇՄԻՆՂԱ. ՉՆԱՄԱՔՐՄԱՆ ԱՇԽԱՏԱՆՔՆԵՐՆ
ԱՆՑ ԵՆ ԿԱՑՎՈՒՄ ԱՆԸՆԴՄԵՋ

Նինոծմինդայի մունիցիպալիտետի վարչական միավորներում ինտենսիվ աշխատանքներ են տարվում առատ ձյան պատճառով առաջացած խոչընդոտները վերացնելու ուղղությամբ:

Նինոծմինդայի մունիցիպալիտետի փոխքաղաքապետ, Արմեն Բոյյանի խոսքով, ձնամաքրման աշխատանքները իրականացվում են անընդմեջ: Մասնավորապես, Գորելովկա վարչական միավորի Սամբա-Օրովկա, Խանջալի վարչական միավորի Փոքր Խանջալի տանող ճանապարհներին շարունակվում են ճանապարհների ձյան եւ մերկասառույցի մաքրման աշխատանքները:

Փոխքաղաքապետ Արմեն Բոյյանի խոսքով, ճանապարհների մաքրումից հետո, ճանապարհի մշված հատվածները ծածկվել են տեխնիկական աղով:

ԱՐԵՎԻԿ ՄԱՆՈՒԿՅԱՆ

ՖԻՆԱՆՍՆԵՐ

ԼԱՇԱ ԽՈՒՅԻՇՎԻԼԻ. «ՅՈՒՐԱՔԱՆՉՅՈՒՐ ՇՆՉԻ ԲԱԺԻՆԸ
ՀԱՄԱԽԱՌՆ ՆԵՐՔԻՆ ԱՐՏԱԴՐԱՆՔԻ ՀԱՇՎՈՎ
ՀԱՍՑՎԵՑ ԱՆՆԱԽԱԴԵՊ 5000 ԱՄՆ ԴՈԼԱՐԻ»

(Սկիզբը՝ 1-ին էջում)

ԱՄՆ դոլարի,- հայտարարեց նախարարը:

Ֆինանսների նախարարի խոսքով, Վրաստանի տնտեսությունը 2021 թվականին ցույց է տվել վերականգնման ամենաարագ տեմպերից մեկը:

ԱՆՑՅԱԼ ՏԱՐԻ ՀԱՐԿԱՅԻՆ ԵԿԱՄՈՒՏՆԵՐԸ
ԿԱԶՄԵՑԻՆ 13 ՄԻԼԻԱՐԴ 820 ՄԻԼԻՈՆ ԼԱՐԻ

Խորհրդարանում հաշվետվության ժամանակ, Վրաստանի ֆինանսների նախարար Լաշա Խուցիշվիլին նշեց, որ 2021 թվականի հարկային մուտքերը կազմեցին 13 միլիարդ 820 միլիոն լարի, ինչը կազմում է համախառն մեքսիմալ արտադրանքի 23.2 տոկոսը:

Ֆինանսների նախարարի խոսքով, անցյալ տարի եկամտային մուտքերը կրկնապատկվեցին եւ, ընդհանուր առմամբ, աճը կազմեց 1 միլիարդ 226 միլիոն լարի:

«Վերջնական ծրագիրը 13 միլիարդ 271 միլիոն լարին էր: Թեւեւ փաստացի կատարման արդյունքում, հարկային մուտքերը կազմեցին 13 միլիարդ 380 միլիոն լարի, ինչը կանխագծած ցուցանիշը գերազանցում է 1 միլիարդ 335 միլիոն լարիով:

ԼՐԱՑՈՒՑԻՉ ՀԱՎԵԼՅԱԼ ԱՐԺԵՔԻ ՀԱՐԿԻ
ՏԵՍԵՐՈՎ ՎԵՐԱԴՐԱՐՉՎԵԼ Է 1 ՄԻԼԻԱՐԴ
930 ՄԻԼԻՈՆ ԼԱՐԻ

Լրացուցիչ հարկի վերադարձի ավտոմատ համակարգի գործարկման արդյունքում, 2021 թվականին լրացուցիչ հավելյալ արժեքի հարկի (ՀԱՀ) տեսքով վերադարձվել է 1 միլիարդ 930 միլիոն լարի, ինչը նախորդ տարվա ցուցանիշը գերազանցում է 900 միլիոնով, իսկ 2019 թվականի ցուցանիշը՝ 1 միլիարդ 300 միլիոն լարիով: Այդ մասին փետրվարի 17-ին Վրաստանի խորհրդարանում հայտարարեց ֆինանսների նախարար Լաշա Խուցիշվիլին եւ հավելեց, որ ՀԱՀ-ի վերադարձման բարձր ցուցանիշներ են վավերացվել այնպիսի հատվածներում, ինչպիսիք են արդյունաբերությունը, որի նշանակալի մասը կազմում է արտահանումը, ինչպես նաեւ շինարարությունը, որտեղ վավերացվել է զբաղվածության բարձր ցուցանիշ:

- Չափավոր գնահատման արդյունքում, ՀԱՀ-ի վերադարձման արդյունավետությունը տնտեսական աճի վրա միայն 2021 թվականին կազմել է 0,5 տոկոս, իսկ 2020-2022 թվականներին՝ 1,5 տոկոս,- հայտարարեց ֆինանսների նախարարը:

ԵԹԵ ՎԱՌԵԼԱՆՅՈՒԹԻ ԳՆԵՐԸ ԶԳԱԼԻ
ԱՎԵԼԱՆԱՆ՝ ԿԳՈՐԾԱՐԿՎԻ ԱՊԱՅՈՎՄԱՆ
ՄԵՆԱՆԻՋՄԸ

«Նախարարի ժամ» ծեսաչափով խորհրդարանում ելույթի ժամանակ, Վրաստանի ֆինանս-



ների նախարար Լաշա Խուցիշվիլին՝ անդրադարձավ վառելանյութի գների ավելացման թեմային եւ նշեց, որ, զգալի աճի դեպքում, կառավարությունը հնարավոր է գործարկի ապահովման մեխանիզմը: Նախարարի խոսքով՝ միջազգային շուկայում վավերացվել է վառելանյութի գների կտրուկ աճ, ինչը պայմանավորված է աշխարհա-քաղաքական իրավիճակով:

- Վառելանյութի հարցում, իրոք, վավերացվել է գների կտրուկ աճ միջազգային շուկայում, ինչը պայմանավորված է աշխարհա-քաղաքական իրավիճակով: Բնականաբար, հարկային քաղաքականությունը կապված է գների ժամանակավոր տատանման հետ, թեւեւ տվյալ պարագայում, եթե հաստատվի վառելանյութի գների զգալի աճ, ապա հնարավոր է գործարկենք ապահովագրման մեխանիզմը: Դա չի լինի, այսպես կոչված ակցիզի համակարգ, հնարավոր է սահմանվի գների վերին, ինչպես նաեւ մերթի շեմը,- հայտարարեց Լաշա Խուցիշվիլին:

«ԵԹԵ ԼԱՐԻԻ ԿՈՒՐՍԻ ԱՄՐԱՊԵՐՈՒՄԸ
ԿԱՊԱՄԸ Է ԽՈՐՀՐԴԱՐԱՆ ԻՄ ԳԱՆՈՒ ՀԵՏ,
ԱՊԱ ԱՄԵՆ ՕՐ ԿԳՏԵՎԵՄ ԱՅՍԵՐ»

Փետրվարի 17-ին, «Նախարարի ժամ» ծեսաչափով Վրաստանի ֆինանսների նախարար Լաշա Խուցիշվիլին, պատասխանելով «Ազգային շարժումից» Վրաստանի խորհրդարանի պատգամավոր Ռոման Գոցիրիձեի հարցին, թե լարիի կուրսի ամրապնդումը պայմանավորված է՞, արդյոք, նախարարի խորհրդարան գալու հետ, հայտարարեց, որ եթե նման կապ կա, ապա ինքը պատրաստ է ամեն օր գալ խորհրդարան:

- Իրոք զարմացած եմ, պարոն Ռոման, նման զուգահեռման համար, միթե այս երկու թեմաների միջեւ կապ կա, ապա ես կարող եմ ամեն օր գալ Վրաստանի խորհրդարան,- հայտարարեց Լաշա Խուցիշվիլին եւ հավելեց, որ ազգային տարադարձի ամրապնդումը սկսվեց 2021 թվականի մայիսից եւ այդ միտումը առ այսօր շարունակվում է: Նրա հավաստմամբ՝ լարիի կուրսի կայուն իրավիճակը կպահպանվի:

ՇՆՈՐՅԱՎՈՐՈՒՄ ԵՆՔ

ՄԱՐԻՆԱ ԿԻՐԱԿՈՍՅԱՆ-ՄՈՍԵՍՈՎԱՆ՝ ԴՈՍՏՈՇՎԱԿՈՒ ՈՍԿԵ ՄԵԴԱԼԻ ԱՍՊԵՏ

Ռուսաստանի Դաշնության գրողների միության որոշմամբ՝ թրիլսի բանաստեղծ եւ թարգմանիչ Մարինա Կիրակոսյան-Մոսեսովան պարգևատրվել է Ֆեոդոր Դոստոևսկու ոսկե մեդալով:

Մարինա Կիրակոսյան-Մոսեսովան հեղինակ է բանաստեղծական տասը գրքերի, որոնցից են՝ «Ինչի» մասին կարելի է պատմել աշխարհին» (2000 թ.), «Իմ աղոթքները» (2003 թ.), «Կյանքը եւ մոսան» (2009 թ.), «Անկեղծ խոսքի ուժը» (2015 թ.) եւ այլ ժողովածուներ: Դրանցից հայերեն է թարգմանվել «Սրտի ուղեծիր» ժողովածուն (2006 թ.): Թարգմանության հեղինակն է երեւանցի բանաստեղծ Արա Արթյանը: Մարինա Կիրակոսյան-Մոսեսովայի հեղինակությամբ հայերենից ռուսերեն են թարգմանվել բանաստեղծներ Ալիկ Դերենցի (Բոստոն) «Ճշմար-



տության ճանապարհը» եւ Աղասի Գեորգյանի (Թբիլիսի) «Լինենք ազնիվ ու բարի» ժողովածուները: 2019-ին Մարինա Կիրակոսյանը, բանաստեղծ-թարգմանիչներ Արա Գեորգյանի (Գյումրի) եւ Լյուդմիլա Կանանեւայի (ՌԴ) համահեղինակությամբ, թարգմանել է «Հայաստանի սիրո քնարերգությունը» անթոլոգիայի երկրորդ հատորը:

Մարինա Կիրակոսյանը Վրաստանի գրողների ու Վրաստանի հայ գրողների «Վերնատուն» միությունների անդամ է:

ՋՈՒԼԻԵՏԱ ԲԱՂԱՅԱՆ

ՄԱՅՐԱՔԱՂԱՔ

ՄԱՅՐԵՆԻ ԼԵԶՎԻ ՄԻՋԱԶԳԱՅԻՆ ՕՐԸ ՆՇՎԵՑ ԹԲԻԼԻՍԻ ՍԱԿՐԵԲՈՒԼՈՅՈՒՄ ՄԻՋՈՑԱՄԱՆԸ ՄԱՍՆԱԿՅԵՅԻՆ ՆԱԵՎ ԹԲԻԼԻՍԱՆԱՅԵՐԸ

Փետրվարի 21-ին, Թբիլիսիի սակրեբուլոյի՝ Թամար թագուհու անվան դահլիճում, սակրեբուլոյի կրթության եւ մշակույթի համեմատողովի, պետական լեզվի դեպարտամենտի ու Վրաստանի Կորնելի Կեկելիձեի անվան ձեռագրերի ազգային կենտրոնի համատեղ նախաձեռնությամբ, անցկացվեց Մայրենի լեզվի միջազգային օրվան նվիրված միջոցառում:

Այն բացեց Թբիլիսիի սակրեբուլոյի նախագահ Գիորգի Տղեմալաձեն: - Մայրենի լեզուն ինքնության պահպանման եւ մշակութային ժառանգության պաշտպանության բացառիկ միջոց է: Մեզ՝ փոքրաթիվ ազգի համար, առանձնակի հպարտություն է, որ վրաց լեզուն աշխարհի շուրջ 6 հազար լեզուների թվում զբաղեցնում է պատվավոր տեղ: Մեր արժանահիշատակ նախնիների շնորհիվ՝ վրաց լեզուն անցավ դարերի միջով: Փետրվարի 21-ին աշխարհը ավանդաբար նշում է Մայրենի լեզվի միջազգային օրը: Այդ օրվա կապակցությամբ շնորհավորում են ոչ միայն վրացիներին, այլեւ Վրաստանում ապրող բոլոր ազգերի ներկայացուցիչներին,- հայտարարեց Գիորգի Տղեմալաձեն: Ելույթ ունեցավ նաեւ սակրեբուլոյի կրթության եւ մշակույթի համեմատողովի նախագահ, ոչ հեռավոր անցյալում մեր ընթերցողներին քաջածանոթ, Իսա-

նիի շրջանային վարչության նախագահ Կախա Լաբուշիձեն: Նա իր խոսքում ընդգծեց մայրենի լեզվի պաշտպանության եւ զարգացման կարեւորությունը: - Վրաստանում ապրում են բազում ազգերի ներկայացուցիչներ, ում համար մայրենի լեզվի պաշտպանության հարցը առանձնակի հրատապ է,- ասաց նա: Գեղարվեստական մասում հանդես եկան նաեւ Արմեն Հովհաննիսյանն իր խամաճիկային թատրոնի ներկայացմամբ եւ Թբիլիսիի Պ.Աղամյանի անվան պետհայդրամայի դերասան, երգիչ Հենրիխ Պետրոսյանը: Միջոցառմանը ներկա էին «Վրաստան» թերթի գլխավոր խմբագիր Վան Բայբուրթյանը, «Վրացահայերի միություն» ՀՀ ղեկավար Մարի Առաքելովան, Թբիլիսիի «Հովհաննես Թումանյանի տուն» մշակութային կենտրոնի աշխատակից Գոհար Մազմանյանը եւ ուրիշներ:

ՎՐԱՑԱԿԱՆ ՄԱՍՈՒԼԻ ԷԶԵՐԻՑ

ԹԵՐԵՉԱ ԶԻՎՅԱՆ. «ՊԵՏՔ Ե ՀԱՍՆԵԼ ՆՐԱՆ, ՈՐ ՊԵՏԱԿԱՆ ԼԵԶՎԻ ԶԻՄԱՑՈՒԹՅՈՒՆԸ ԶՀԱՄԱՐՎԻ ԳԼԽԱՎՈՐ ՄԱՐՏԱՅՐԱՎԵՐ»

Բաթումիի՝ Շոթա Ռուսթավելու անվան պետական համալսարանի բիզնես վարչարարության ֆակուլտետում ավարտելուց հետո, մագիստրատուրան ավարտեց հասարակական առողջապահության ոլորտում: Այն ժամանակ նրա ընտրությունը շատերին զարմացրեց, քանի որ դեռ դպրոցում արտակարգ ունակություններ էր ցուցաբերում՝ լեզուների տիրապետման ուղղությամբ: Ինչպես նշեց Թերեզան, չնայած լեզուների նկատմամբ հետաքրքրությանը, որպես մասնագիտություն օտար լեզուները կանխամտածված չի ընտրել, քանի որ լեզուներ կարող էր ինքնուրույն էլ սովորել: Այդպես էլ եղավ: Ազատ տիրապետում է հինգ լեզուների, այդ թվում, բնականաբար, նաեւ՝ վրացերենին: Անգլերենի իմացությունը բիզնեսի վարչարարության ֆակուլտետում պարտադիր էր, առանձին դասախոսություններ վարում էին միայն անգլերենով: Հայերենը մայրենի լեզուն է, ռուսերենը սովորեց դպրոցում, թուրքերենը՝ մի փոքր ուշացումով: Այսպիսին է Թերեզա Զիվյանը, ով 2016 թվականից գլխավորում է Ախալքալաքիի հանրակրթական ռեսուրս-կենտրոնը, որի իրավասության ներքո՝ մունիցիպալիտետում հաշվարկված է 65 հանրային դպրոց, որտեղ սովորում է 7120 աշակերտ, աշխատում՝ 1250 ուսուցիչ:

Ստորեւ ձեր ուշադրությանն ենք ներկայացնում Թբիլիսիում լույս ընծայվող «Ախալի գանաթեբա» («Նոր կրթություն») թերթում Անա Փիրցխալաշվիլու պատրաստած հոդվածը, որտեղ Թերեզա Զիվյանը իր հայեցակետն է ներկայացնում՝ համավարակի պայմաններում դպրոցների գործունեության, մունիցիպալիտետի դպրոցների մանկավարժների համար պետական լեզվի ուսուցման դրվածքի, դպրոցական ենթակառույցների մասին:

ՀԱՍՎԱՐԱԿԸ ԵՎ ԴՊՐՈՑԸ

Հավանաբար, չեք զարմանա, եթե ասեմ, որ հեռավար ուսուցման անցումն անսպասելի կամ մարտահրավեր չէր, այլ ուղղակի՝ ցնցում մեր բոլորի համար: Բացի նրանից, որ մեր երկրում նման փորձ ոչ մեկը չուներ, տեխնիկապես էլ դրա համար պատրաստ չէինք: Հիմնախնդրայինը ոչ թե բջջային ու ինտերնետի

ժամանակ առ ժամանակ բացակայությունն էր, այլ այն, որ այն դժվարությամբ էին օգտագործում դասավարման գործընթացում: Այդ հարցում աշակերտներին, ուսուցիչներին, նաեւ ծնողներին օգնելու համար դպրոցներում կազմվեցին խմբեր, որոնք կապվում էին «Viber», «WhatsApp» սոց. կապի օգնությամբ: Գիշտ է, սկզբնական շրջանում դասա-

վանդումը կատարյալ չէր, թեեւ, երբ անցկացվեցին վարժանքներ դպրոցների տնօրենների եւ մանկավարժների համար, այն դյուրացվեց: Վարժանքներում ներգրավվեցին նաեւ ծնողներ: Ընթացիկ ուսումնական տարին դիմարվորեցինք շատ ավելի պատրաստված՝ ժամանակին դպրոցներին առաքվեցին դասագրքերը, առաջին դասարան-

ցիներին համեմատեցին նոութբուքերը եւ փախսահանիչ միջոցները: Այսօրվա դրությամբ մունիցիպալիտետում հեռավար ուսուցում է տարվում երեք դպրոցում: Հուսով եմք, որ մոտ ժամանակներս դրանք էլ կանցնեն առկա ուսուցման:

(Շարունակությունը՝ 5-րդ էջում)

ՀՈՎՀԱՆՆԵՍ ԹՈՒՄԱՆՅԱՆ - 153

ԹՈՒՄԱՆՅԱՆԻ ՇԻՐԻՄԸ ԿՐԿԻՆ ԶԱՐԴԱՐՎԵՑ ԾԱՂԻԿՆԵՐՈՎ ԵՎ ԳՐՔԵՐՈՎ

Ժողովրդական մեծ բանաստեղծի օրացույցային օրը առանձնահատուկ նշանավորելու պատգամով, դեռեւս 2008 թվականին, երջանկահիշատակ Լեւոն Անանյանի՝ այդ տարիների գրողների միության նախագահի նախաձեռնությամբ, հիմք դրվեց գիրք նվիրելու գեղեցիկ արարողությանը: Թբիլիսահայության շրջանում տոնն արձատավորեց անժամանակ կյանքից հեռացած բանաստեղծ, թարգմանիչ Անահիտ Բոստանջյանը: Ավանդույթի ուժ ստացած միջոցառումը կյանքի կոչվեց նաեւ այս տարի՝ Բոստանջյան թույրերի կողմից, բազմաթիվ գրքեր նվիրելով ներկաներին:



Թումանյանի ծննդյան օրը, փետրվարի 19-ը, կրկին նշանավորվեց Խոջիվանքի Մեծաց մեծերի պանթեոնում թրիլիսահայերի համախմբմամբ: Կայացավ տարեդարձի միջոցառում, որը ներառում էր հիշատակի եւ խոնարհման տարրեր՝ որպես Հովհաննես Թումանյանի անմահության վկայություն: Եկել էին ահել-ջահելով, մանուկ-երիտասարդով, արտակարգ մարդաշատ դարձնելով այստեղ հանգչող երեւելիների երկրային գերեզմանոցը:

Միջոցառումը, Վիրահայոց թեմի առաջնորդ հոգեշնորհ Տեր Կիրակոս վարդապետ Դավթյանի օրհնությամբ, կազմակերպել էին «Հովհաննես Թումանյանի տուն» (ղեկավար՝ Գիսանե Հովսեփյան), «Հայարտուն» (ղեկավար՝ Եվգենյա Մարկոսյան) կենտրոնները: Իրենց մասնակցությունն էին բերել Վրաստանի հայ գրողների «Վերնատուն» միությունը, թիվ 103 վրաց-հայկական հանրային դպրոցը, «Վրաստանի հայ համայնք» հասարակական կազմակերպությունը: Մեծն Թումանյանի հիշատակին իրենց խոնարհումն էին բերել Վրաստանում ՀՀ դեսպանության դիվանագետները, հայ համայնքի մտավորականներ, հասարակական, ստեղծագործական, մշակույթի գործիչներ, թարգմանիչներ, լրագրողներ, դպրոցականներ: Ներկաները ծաղիկներով զարդարեցին Ամենայն Հայոց բանաստեղծի տապանաքարն ու ազգի արժանավոր զավակների շիրիմները: Տեր Կիրակոս քահանա Սիմոնյանը կատարեց հոգեհանգստյան կարգ: Թումանյանի ծոռնուհին, թրիլիսաբնակ Ալյոնա Կոլեսնիկովան, շնորհակալություն

հայտնեց՝ պապի հիշատակը հարգելու եւ այս ավանդական միջոցառմանը ներկա գտնվելու համար: Այնուհետեւ, միջոցառման կազմակերպիչներից Գոհար Մազմանյանի ներկայացմամբ, իրար հաջորդեցին «Վրաստան» թերթի գլխավոր խմբագիր Վան Բայբուրթյանի, լրագրող Սուսաննա Խաչատրյանի, «Հովհաննես Թումանյանի տուն» կենտրոնի ղեկավար Գիսանե Հովսեփյանի ելույթները, որոնց ուղերձն էր՝ սրբությամբ պահել Մեծ լուռեցու հիշատակը եւ ամեն տարի Թումանյանի ծննդյան օրը խունկ ծխեցնել եւ ծաղիկներ խոնարհել այստեղ հանգչողների շիրիմներին:

Ու հագեցավ մթնոլորտը Թումանյանի ժողովրդական, հայրենասիրական, խոհափիլիսոփայական, հայ ժողովրդի կյանքին համահունչ ստեղծագործությունների ոգով ու շնչով, որ այնպես գեղեցիկ ներկայացրեցին «Հայարտուն» կենտրոնի հայերենի ուսուցման դասարանի (ուսուցիչ՝ Թամարա Գաբրյան), «Վրաստանի հայ համայնք» հասարակական կազմակերպության գրական խմբակի (ուսուց.՝ Լարիսա Խաչատրյան), թիվ 103 դպրոցի (ուսուց.՝ Գայանե Պետրոսյան) սաները: Տպավորիչ էր «Շունն ու կատուն» լեզենդի արտասանությունը «Սբ.Մովսես Խորենացի» նախակրթարանի (ուսուց.՝ Ալիդա Բազոյան) սաների մասնակցությամբ: Հովհ.Թումանյանի ստեղծագործություններից կատարած իր թարգմանությունը ներկայացրեց բանաստեղծ Միխայիլ Անանովը՝ դատել հետ, Թումանյանին նվիրած իրենց բանաստեղծություններն ընթերցեցին Սուսաննա Ավետիսյանը եւ Արտեմ Գրիգորենցը:

ՍՈՒՄԱՆՆԱ ԽԱՉԱՏՐՅԱՆ

